

DIOCESE DE BISSAU E BAFATÁ
INFÂNCIA E ADOLESCÊNCIA MISSIONÁRIA
CAMPANHA MISSIONÁRIA 2023
GUINE - BISSAU



“Ku korson ardenti,
pé na kaminhu.”

(Lk 24,13-35)



Pontifícias
Obras Missionárias

***Korson ardenti, pé na kaminhu .
(cf Lc 24, 13 – 15)***

Keridus Meninus **ku** Adolescentis di IAM.



Pa dia mundial di mison des ano **n'**kudji um tema ku sta ligadu ku storia di discipulos di Emaús, contadu pa Lucas na si Evangelho (cf. 24,13-35): “Korson ardenti, pés na kaminhu”. Kil dus discipulos e staba confuso e disiludidu, ma encontro ku Kristo na Palabra i ku Pon i pui elis e sinti vontadi di bai pa Jerusalem pa anuncia di kuma Sinhor lanta di mortu. Na narason di evangelho, no komprende kal ki transformason ki akontici na bida di discipulos a partir di alguns imagens: korson ardenti atraves di splikason di Skiritura ku Jesus fassi, udjus abertus pa reconhecil e, suma puntu mais alto, pés na kaminhu.

Papa Francisku

Kiridus koordenadores e Assessores di IAM di Bissau ku di Bafata

Kiridus koordenadores e assessores, missionarius i missionarias, no na uni sintidu ku Papa Francisku, no na anima no komuninadis, parokias nde ke no sta nel, no na rasa ku igreja intidu pa no sibi obi, pa palabra di Vangelho pa i tene forsa di pui tudu assessores ku animaduris ku korson ardenti, pé na kaminhu pa anima tudu meninus ku adolescentis di no Diocesis di Bissau ku di Bafatá.

Kiridus animaduris, abos tambí bo dibi di kuida di bo relason ku Jesus, asin son ki dipus bo pudi djuda meninus kirsi na kunhesimentu di Jesus.

Bo kumpromissu, nha keridus koordenaduris ku animaduris di Infansia e Adolescencia Missionariu i és: ba ta tene udjus, oredjas ku mons abertus, korson ardenti, pés na kaminhu pa necessidadi, kusa ki mundu intidu precis del.

Pa no celebra Mis Missionariu ku fianza garandi, pa Sinhor numianu no korson intchidu di amor, i pa no pudi fika firme na misson ke no ricibi na dia di no batismu. Pa no padroeirus pa i roga pa nos tudu. *Santus Francisku Xavier ku Teresa di Mininu Jesus, Beato Paulu Manna, Veneravel Paolina Jaricot, roga pa nos tudu.*

Pontifícias Obras Missionárias - Guiné Bissau

Mantenha pa bos tudu!

Vigilia Missionáriu pa Dia Mundial di Misson Infância e Adolescência Missionária



“korson ardenti “ . ”Pés na kaminhu.(Lc 24, 32-33).

Mantenha - Sinal di Crus

(Kantiga)

Animadur: karíssimus meninus ku adolescentes missionariu di no Diocesis di Bissau ku di Bafatá, té na confins di mundo, sempre no sedu amigos! Ma un bias anos tudu no sedu konvidadu pa celebra Vigilia Mundial pa Dia Mundial di Misson 2023. No kunsá es Vigilia di Infância i Adolescência Missionária, ke ta ten suma tema “korson ke ta iardi “ i lema: “Pés na kaminhu. (Lc 24, 32-33) (*pudi sedu purparadu Cartaz di kampanha missinariu ki utrus simbolus di IAM*)

Kantiga

Animadur: Papa Francisco i na falanu na si mensagem: Ke no dibi di dixa pa luz di Sinhor ressuscitadu pa numianu atraves di se Spiritu. El ku manda: No ta sai ku korson ke ta iardi, udjus ke ta iabri, ku pes na kaminhu, pa fassi iardi utrus korsons, ku bu palabra, pa pudi iabri udju pa Jesus Eukaristiku, ke konvidanu pa no ianda djuntu pa kumpu kaminhu di paz. No kunsá es vigilia, no pidi Deus pa IAM ke celebra 180 anos di fundason na mundu. No na pidi intercesson di no padroeirus San Francisku Xavier ku di Santa Terezinha di Meninu Jesus.

Kantiga.

Animadur: Anós no sedu tchomado pa Kristu, pa no sedu sal i lus di mundu. No pidi na es momentu, lus di Spirito Santu pa no pudi anuncia Jesus té na fin di mundu. No sindi velas di cinco continentes.

Kantiga

No sukuta Vangelho (Lc 24, 32-33).

Silêncio (5 minutos)

Animadur: No rasa pa Deus buri forsa ku sabiduria pa tudu pobu afrikanu, pa i kirsinti vocaçon dentru di igreja. (*un meninu ô adolescenti i na ientra ku un planta.*)

- ✓ Pa kontinenti di Afrika no tissi es planta ke na kunsá soronda, suma simbolo des igreja joven ke na kirsinti ke ta da tistimunhu vivu di Jesus. No rasa pa no meninus ku adolescenti missionarius, pa kontinua tistimunha misson ku vida pa i sempre ajuda kilis ma koitadis.

Kantiga - (*Alguin na sindi vela verdi*)

Animadur: No rasa pa América ke ta markadu pa sangui di martires ke ta da si bida na evangelizason des kontinenti.

(un meninu o adolescenti i na ientra ku alguns simenti (Coco) ke sedu simbolo des esperança pa bida di un igreja nobu).

✓ No rasa pa es kontinenti ku meninus ku adolescentis ke sta la pa i kirsinti suma Maria, pa i sedu berdadeiros discipulus missionarius di Jesus.

Kantiga – (Alguin na sindi vela vermelho)

Animadur: No rasa pa kontinenti di Europa, nunde ke kor branku na lembrantanu kuma espiritualidade ma tam no lembra di no PAPA ke sedu missionariu di paz. *(un alguin i na ientra ku biblia). Palavra di Deus sinal di sabiduria na evangelizason).*

✓ Europa tistimunha kunsada di igreja ku si riqueças. No rasa pa Papa Francisco pa i kontinua si misson di solidariedade pa tudu igrejas di mundu intidiu.

Kantiga - *(Alguin na sindi vela branku)*

Animadur: No rasa pa Oceania nunde ke kor azul na lembrantanu manga di djius pabia i iagu di ocenano Pacifico. Ocenania i kontinenti pikininu, ma intchido di solidariedade ku se ritmos e tradições. *(un alguin i na tissi iagu, simbolu nobu, pa evangelizaçon na es kontinenti pudi sedu assim.)*

✓ No rasa pa Senhor fassi kirsinti berdadeirus komunidadis kristons pa meninus ku adolescentis pudi kungsi Jesus. Pa El pudi sedu cunsidu i amadu.

Kantiga – (Alguin na sindi vela azul)

Animadur: No rasa pa Asia ke ta representa sol ke na mansi tam na kontinenti di djorson antigu. *(un alguin i na ientra ku kruz).* Cruz i ta lembra simbolo di sacrificiu ku amor verdadeiru, nunde kilis ke ta sufri injustiça, pudi otcha paz. Manga di djintis i ta sufri injustiça.

Animadur. No na pidi Senhor, no fala obrigadu, manera ki tchomanu pa no sedu discipulus missionarius, na bu igreja, li na es tchon di Guiné Bissau, na bu komunidadis ki di nos tam.

No rasa djuntu:

Ku korson ardenti, pé na kaminhu, pa no orason sedu alma di misson na mundu.

No ta pidi pa tudu meninus ke spadja na mundu.

Pa bo Santa infansia Jesus, ten miserikordia di kilis meninus ke ka ta kungsi Bo.

Protegi elis i manga di missionarius, pa elis kungsi bo i pa tene bida intchidu di bondadi.

Pa no pidi pa Deus Papé, djuntu ku Spiritu Santu djudanu leba dianti es nobre misson ki Senhor Jesus nterganau. Amém.



Terçu Missionariu

Sinal di krus

Animadur: Mis di outubru i mis missionariu, tambi mis consagradu pa Nossa Senhora di Santu Rosariu. Meninus ku Adolescentis Missionarus, abos bo ta kumbidadu pa Sinhor pa diskubri mas un bias, ku mas forsa, sintidu missionariu di batismu, manera ke no dibi di sedu tistimunhadur di Jesus kristu na mundu di aos. Nas és orason no na uni no sintidu ku Papa Francisku, ku tudu igreja. No na pidi Sinhor numianu no korson, tam no na pidi Maria Rainha di Apostulus pa ndianta ku nos na és kaminhu, di kontemplason di misteriu di lus i di vida di Jesus.

Kantiga

➡ 1° Misteriu di lus - Batismu di Jesus na Riu Djordon / Kor verdi - Afrika

No na rasa pa meninus i adolesenti, ke ta sufri manga di desigualdadi social, ma no lembra tam di no terra di Guiné - Bissau pa pudi desenvolvi na pas, djustiça ku rekonsiliason.

➡ 2° Misteriu di lus - Jesus na Festa di Kanaa / Kor burmedjo - Amerika

No na rasa pa tudu meninus i adolesenti di Amerika, pa i fika firme na misson di konta Palabra di Deus pa utrus ke ka ta kungsi Jesus inda.

—/ 3° Misteriu di lus - Jesus na anunsia Reinu di Deus. / Kor Branku - Europa

No lembra di Papa Francisku, ke na apoia tchiu ku obra di Santa infansia. No lembra di tudu meninus i adolesenti di es kontinenti pa i sedu kumpuduris di pas, atraves di fé ku tistimunhu.

- ➡ 4º Misteriu di lus - Transfigurson di Jesus / Kor Amarelu - Asia
 No na rasa pa meninus i adolesenti ke sta na es terra, ke ta sufri disna di se menineça persequiçon, ku manga di bias ta lanta kontra kristons.
- ➡ 5 Misteriu di lus - instituison di Eukaristia / Kor Azul - Oceania
 Pa tudu meninus i adolesenti pa i kirsi nelis certeza di kuma Deus sta ku elis, pa i tene koragen de sedu kontaduris di Bon Nobu.

Salve Rainha

LADAINHA

Santa Maria Rainha di Misson - Roga pa mundo.	Bem-aventurados João Mazzuconi e Paulo Mana – Roga pa mundo.
San Pedro – Roga pa mundo.	Bem-aventurados Clemente Vismara e Mario Vergara – Roga pa mundo.
San Paulo - Roga pa mundo.	Bem-aventurado Alfredo Cremonesi. Roga pa mundu
San Francisku Xavier – Roga pa mundo.	San Damião de Molokay - Roga pa mundo.
Santa Teresinha di Menino Jesus – Roga pa mundo.	San Pedro Chanel - Roga pa mundo.
Santa Bakita – Roga pa mundo.	Santo André - Roga pa mundo.
Beato Charles de Foucald - Roga pa mundo.	San Tomás - Roga pa mundo.
Santos Mártires de Uganda - Roga pa mundo.	Valentine Berreochoa - Roga pa mundo.
Beata Clementina Anuarite - Rogai pelo mundo.	Santos Mártires da Coréia - Roga pa mundo.
Santa Rosa de Lima - Roga pa mundo.	Santos e Abençoados Mártires da China e do Japão - Roga pa mundo.
San Martin de Porres - Roga pa mundo.	
Venerável Paulina Jaricot - Roga pa mundo.	
Santu Alberico Crescitelli - Roga pa nos	



NO BAI VISITA FAMILIA

Tchigada na casa di familia:

Animadur: “Pa paz sta na és casa”.

(Dipus, missionarius ku bai fassi visita ientra na kasa, i na apresenta nomi, na nomi di ke ki na fassi es visita missionariu i ku kal ke objetivu missionariu. Tambi na apruveita es momentu pa kungsi familia ku ricibi visita).

Animadur - Familia tene si firkidja na amor. Familia kriston i komunidadadi di amor i di union na mesma pensamentu. Familia kriston i ta djunta na kasa. Pabia kasa i un lugar sagradu di inkontru, i un kau ku familia kriston i komunidadadi di amor i di union na mesmu ideia. Familia ta mora pa vivi

djuntu, pa kirsi djuntu, pa desenvolvi pa pudi sustenta bida. No gardisi Deus na és nkontru pa no familias ku no kasas.

Mantenha di kunsada

Animadur: (Sinal di Krus) Na nomi di Deus Pape, ku Fidju ku Spíritu Santu.

Todu djuntu: Amém.

Animadur: Pa Pas di Kristu reina na no korsons i pa si palabra mora ku rikeza na nos.

Tudu djuntu: Fika cu nos Senhor i danu bu pas pa nos!

Animadur: kasa i lugar di famílija. I lugar di gasidja, lugar nde ku alguin ta sta na vivi ben a vontadi. Mas i ten manga di kasa ku dixa di sedu un lugar di nkontru ku di bida, i bidanta suma un abrigo ki ka sta suguru i ki ka ta da pa un bon moradia i na manga di bias i ta kunsá ku violencia ku duensas.

(kantandu i pudi sedu utru kantu)

Bensi Senhor famílias! Amém! Bensi Senhor tambi nha familia!

Ou, Bensi Senhor no familia suma kil di Nazaré...

Animadur: kasa i tambi lugar di evangelizason ku di celebrason. Na proteson di no kasas ku no djintis antigus no donas, no papés transmitinu fé i e sinanu ama Deus cu tudu kilis ku ta pertu di nos. Nton es sta mostranu kasa ki Jesus purpara pa nos.

Nes bida anos no ka tene un 'kasa' fixu, no casa propi i na mon di Deus no Pape.

(kantandu i pudi sedu utru kantu)

Bensi Senhor no familia suma kil di Nazaré...

Animadur - Igreja ta intindi famílija suma "igreja doméstiku" na utru manera no pudi fala: familia Kriston, di la ki ta sai kristons, kau nunde ki Evangeliu ta otcha lugar di sta, di manera mas importanti na difeza di bida, na rispitu di pecadur i ku na manera di vivii di mesmu sentidu na ermondadi dentru di familia i tambe na kumunidadi umanu. Assin, familia, pa força di si natureza ku di si vokason, i di mesmu manera di pensa i di mesmu sintidu di ermondadi dentru di komunidadi umanu."Assin, familia, pa força di si natureza ku si vokason, i ka ta fitcha si kabesa, ma ta iabri pa utrus familias ku sosiedadi ndé ki ta assumi si papel dentru di sosiedadi.

(Familiaris Consortio, n. 42).

(kantandu)Bensi senhor no familia suma kil di Nazaré...

No kanta pa sukuta vangelho

Vangelho de Lukas 10,38-42

Dipus di leitura i na fasidu un refleson curtu, un mumentu di silensiu i di motivason pa tudu djintis pudi dixa pa Palabra de Deus toca elis na corson ku na se bida.

Animadur: No rasa djuntu- Deus Papé di miserikordia, Salbadur di bu pobu, Abo ke bidanta familia na un ambienti di amor pa kristu ku igreja: darma riba de es familia ke djunta na bu nomi. Kilis ke na vivi nel, pudi atraves di orason, djuda un utru na tudu necesidadi di vida ku vivi se fé atraves di tistimunhu ku palabra.

Animadur: Intchidu di kontentamentu no gardisi Deus, pabia di no familia.

No rasa:

Pa no Igreja missionáriu, pa i sedu un kasa ke iabri porta pa kaminhu di dialogu, di planeta Terra, no kasa komun!

T: Nô na ngabau Senhor , Deus di tudu mundu.

- Pa no familia kirsinti na amor ku paz!

T: Nô na ngabau Senhor , Deus di tudu mundu.

Pa no amigus pa i sedu sinal di presença di Deus .

T: Nô na ngabau Senhor , Deus di tudu mundu.

- Pa famílias da África, ke ta buska baluris suma rispitu, dignidadi ku liberdadi.

T: Nô na ngabau Senhor , Deus di tudu mundu.

- Pa no familias di America, ke ta tistimunha si fé i ta luta pa libertason.

T: Nô na ngabau Senhor , Deus di tudu mundu.

- Pa famílias di Europa, ke ta manda manga di missionários pa utrus terras.

T: Nô na ngabau Senhor , Deus di tudu mundu.

- Pa famílias di Oceania, ke ta trabalha pa kuidadu di natureza.

T: Nô na ngabau Senhor , Deus di tudu mundu.

- Pa famílias di Ásia, ke ta tissi ku el manga ku diferentis kulturas i tradison religiosu.

T: Nô na ngabau Senhor , Deus di tudu mundu.

- Pa tudu sinalis ku speransa ke ta ten na mundo.

T: Nô na ngabau Senhor , Deus di tudu mundu.

Animadur :

No Senhor Jesus Cristo, ke vivi ku si família na Nazaré, pa Bu sta sempri na metadi di no familia, difindinu di tudu mal i danu kil graça, pa no sedu un korson son i un alma son.

T : Amém.